

Пионерск организацст—оньган

„Балгъсна В. И. Ленинă нертă пионерск организацин кӧдлмшиг ясрулхин тускар“ В ЛКСМ-н балгъсна комитетин и егдгч сеглăтр ӱр А.Л. Мамонов пленумд доклад кев.

Элстд 2147 пионермудта 16 пионерск дружин бăйна. Балгъсна пионерск организацст сул цагт эврăннь кӧдлмшăн збвăр ясрулв.

Пионермуд 30 тонн тӧмрин тасрха цуглулхав. Балгъсна уульнисиг боли школомудиннь хотн дундикг сăахрулхд боли кӧкрулхд пионермуд, сургъульчир йир сăанăр орлцв. Модд тăрхд эдн минъгъ шаху нук малтв. Балгъсна школомудар бурдăгдсн тимуровск командмуд, дăйна боли куч-кӧлсиă инвалидмудт килмджан ӧгч, эврăннь оньгас тедниг тăвхш. Олег Кошевойин нертă дружинă пионермуд, библиотечкшидр цуглулад, Хар газрт увлăзжăх хӧбчирт ӧгулцхăв. Тундн хӧбчир ик гидгър хандж, горн барабан хойрар пионермудиг белглдж, эврăннь халун зуркни бичгтăгъан илгăцхăв.

Балгъсна пионермуд Китдин, Чехословакин, ГДР-н, Болгарин пионермудлă бичгър залгълад, нам белгян чигн хоорндан авлдна.

Болв пионерск кӧдлмш делгӱ сăн кегддж йовхш. Негдгч номертă дундин школин пионермудин селвър боли самодетельность унтрлж одсн бăйна. Пионерск художест-

венн самодетельность уга. Центрт тăрчксн модт килмджан ӧгцхăхш. Школмудин сургъмжд эрсин бар муугър олзлгдна.

Школмудар тимуровск кӧдлмш делгрджăхш, совхозмудин боли колхозмудин фермсър пионермудин шефств уга, бичкн натуралистрин, техникудин кружокс муугър кӧдлджăцхăнă.

Комсомолин балгъсна комитет пионерск активиг боли ах пионервожатриг эврăннь семинармудтан ода бийнь муугър сургъна.

Бичкдудин зуна амрлгън бурдăгдсн уга. Нег чигн колхозин, эс гижж балгъсна пионерск лагерь, бичкдудин нег чигн наадг газр эс бурдăгдлж.

ВЛКСМ-н ЦК-н пленумин шидвр кӱцăхър, балгъсна колхозмудин, совхозмудин, предприятисн тосхлгисн комсомольск организацст эврăннь дундас пионервожатрин кӧдлмш келгънд узмлжтă кӧдлмштă комсомольцнран илгăх збвтă.

—Негдгч номертă дундин школин пионермудин шефмуд—ремзаводин комсомольчир—игаран ирхш. Дакад пионерск ансамбль уга. Пионермуд олнзусн ду меднă, тегад художественн самодетельностьд орлцхдан ик дурта, болв эн эстетическ кӧдлмшиг школд кун толгъалхш, -- гижж эн школин сургъульч, комсомо-

лин член Надя Сангаджиева келв.

Эврăннь кӧдлмшиннь тускар, хойрдгч номертă дундин школин Павлик Морозовин нертă пионерск дружина Советин ахлач Коля Скиданов келв.— Мана дружинд сăн чигн бăйна, дуту-лундн чигн бăйна. Тегал, мана шефмуд-комсомольчир производственикуд маднд донь-нӧкдăн кургтă гижж сурджанавдн, — гижжж эн чилăв.

Ленинă нертă колхоз бичкдуд— пионермудт ямаран донь кургдин тускар эн колхозин парторганизацин сеглăтр ӱр Кривнососв келв.

Физкультурн боли спортивн кӧдлмш пионермуд дунд эс кегдджăхин тускар ВЛКСМ-н тангъчнин комитетин школьн отделин заведущ ӱр Долгина Н. келв. Эн кеггър балгъсна комитет бас кӧдлмш кеджăхш.

Пленумд КПСС-н балгъсна комитетин сеглăтр ӱр М. Т. Бимбаев, ВЛКСМ-н крайкомтин школьн отделин инструктор ӱр Л. Гушина, пионермудин Герин бичкдудин ансамблин гардач ӱр Я. А. Абрамис эдн орлцж, ӱг келцхăв.

ВЛКСМ-н балгъсна комитет пленумин чилгчър узмджтă кӧдлмштă пионерск дружинмудиг, ах пионервожатриг Кундллгнă грамотар ачлв.

Пленум туслнь шидвр авб. Н. БУРУЛОВ.